



OPĆINA STARI GRAD SARAJEVO

Općinska izborna komisija

Na osnovu člana 28. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“, broj: 49/06 i 51/09,), te Odluke o raspisivanju izbora za savjete mjesnih zajednica Općine Stari Grad Sarajevo („Službene novine Kantona Sarajevo“, broj: 10/26), Općinska izborna komisija Stari Grad Sarajevo je na 11. sjednici, održanoj dana 16.03.2026. godine, donijela

UPUTSTVO

o rokovima izbornih aktivnosti za održavanje izbora za savjete mjesnih zajednica Općine Stari Grad Sarajevo

Član 1.

Uputstvom o rokovima izbornih aktivnosti za održavanje izbora za savjete mjesnih zajednica Općine Stari Grad Sarajevo (u daljem tekstu: Uputstvo), Općinska izborna komisija Stari Grad Sarajevo koordinira i pomaže u radu Komisije za provođenje izbora članova savjeta mjesnih zajednica, utvrđuju se rokovi izbornih aktivnosti za provođenje izbora za savjete mjesnih zajednica Općine Stari Grad Sarajevo.

Član 2.

(Rokovi izbornih aktivnosti)

- (1) **Zahtjev za dostavljanje izvoda iz biračkog spiska** Centralnoj izbornoj komisiji Bosne i Hercegovine podnosi Komisija za provođenje izbora članova savjeta mjesnih zajednica, najkasnije 30 dana prije dana održavanja izbora, a najkasnije do 19.03.2026. godine do 16,00 sati. Uz zahtjev priložiti:
 - Odluku o raspisivanju izbora, koja obavezno sadrži datum održavanja navedenih izbora, objavljen u službenim novinama
 - akt o određivanju mjesnih zajednica za Općinu Stari Grad Sarajevo
- (2) **Obaveza sazivanja zbora građana i predsjedavanje istim**, je na aktuelnim sazivima Savjeta MZ, najkasnije do 01.04.2026. godine, uz koordinaciju Službe za poslove mjesnih zajednica.
- (3) **Odluku o sazivanju zbora građana** Komisija za provođenje izbora članova savjeta mjesnih zajednica je dužna objaviti na Oglasnoj ploči mjesnih zajednica i internet stranici Općine, najmanje 7 dana prije dana održavanja zbora građana.
- (4) **Pripremu Obrasca za kandidaturu** vrši Komisija za provođenje izbora članova savjeta mjesnih zajednica i dužna je obrasce dostaviti Sekretarima MZ, i postaviti ih na zvaničnu web stranicu Općine Stari Grad, najkasnije 20.03.2026. godine.
- (5) **Kandidatura se podnosi za mjesno područje u sastavu mjesne zajednice** najmanje 15 dana prije dana održavanja izbora, najkasnije do 03.04.2026. godine.

(6) **Kandidataure za člana Savjeta mjesne zajednice** ovjerava Komisija za provođenje izbora članova savjeta mjesnih zajednica, uz koordinaciju Općinske izborne komisije Stari Grad Sarajevo, nakon što utvrdi da kandidat ispunjava propisane uslove.

(7) **Na osnovu ovjerenih kandidatura i izvršenog žrijebanja redoslijeda kandidata**, Komisija za provođenje izbora članova savjeta mjesnih zajednica u saradnji sa Službom za poslove mjesnih zajednica sačinjava listu kandidata za članove savjeta i objavljuje listu na oglasnoj tabli mjesne zajednice, najkasnije 5 dana prije održavanja izbora, najkasnije 13.04.2026. godine.

(8) **Prijedlog članova biračkog odbora i njihovih zamjenika**, utvrdit će Savjeti mjesnih zajednica na zborovima građana, na osnovu kojeg će Komisija za provođenje izbora članova savjeta mjesnih zajednica u koordinaciji sa Općinskom izbornom komisijom, imenovati biračke odbore sastavljene od 3 člana i 2 zamjenika člana, koji moraju biti birači upisani u izvod iz biračkog spiska za područje te mjesne zajednice.

(9) **Imenovanje članova biračkih odbora i njihovih zamjenika** provest će Komisija za provođenje izbora članova savjeta mjesnih zajednica u koordinaciji sa Općinskom izbornom komisijom Stari Grad u skladu sa slijedećim rokovima:

a) **imenovanje članova biračkih odbora i njihovih zamjenika** najkasnije u roku od 10 dana prije dana održavanja izbora, odnosno do 08.04.2026. godine.

b) **formiranje mobilnih timova, imenovanje članova i zamjenika mobilnih timova** najkasnije u roku od 10 dana prije dana održavanja izbora, odnosno do 08.04.2026. godine.

c) **obuku članova i zamjenika članova biračkih odbora** izvršit će Općinska izborna komisija Stari Grad i ista će se održati u periodu od 10 do 8 dana prije dana održavanja izbora.

(10) **Određivanje lokacija biračkih mjesta, objavu istih** Komisija za provođenje izbora članova savjeta mjesnih zajednica će obaviti najkasnije u roku od 15 dana prije dana održavanja izbora, najkasnije do 03.04.2026. godine.

(11) **Nakon zatvaranja biračkih mjesta, birački odbori su dužni utvrditi rezultate glasanja najkasnije 2 sata nakon zatvaranja biračkih mjesta, a preuzimanje izbornog materijala od biračkih odbora** vrši Služba za poslove mjesnih zajednica, u saradnji sa Stručnom službom za zajedničke poslove, te isti dostavlja Komisiji za provođenje izbora članova savjeta mjesnih zajednica zatvaranju biračkih mjesta najkasnije do 19 ,00 sati.

(12) **Ukoliko dva ili više kandidata dobiju isti broj glasova**, birački odbor provodi postupak žrijebanja, sačinjava zapisnik kojeg potpisuju svi članovi biračkog odbora.

(13) **O prigovorima birača i kandidata koji su podneseni u pisanom obliku, a odnose se na povredu izbornog prava**, odlučuje Komisija za provođenje izbora članova savjeta mjesnih zajednica u roku od 24 sata od zatvaranja biračkih mjesta.

(14) **Općinskom vijeću izvještaj o provedenim izborima za članove savjeta mjesnih zajednica dostavlja** Komisija za provođenje izbora članova savjeta mjesnih zajednica i Služba za poslove mjesnih zajednica.

(15) **Rezultate izbora razmatra i objavljuje** Općinsko vijeće Stari Grad Sarajevo.

(16) **Uvjerenja o dobijenim mandatima izabranim članovima savjeta mjesne zajednice, nakon objavljivanja rezultata izbora**, izdaje Služba za poslove mjesnih zajednica

Član 3.
(Stupanje na snagu i objava u službenim novinama)

Ovo Uputstvo stupa na snagu danom donošenja, a primjenjuje se od 20.03.2026. godine i objavit će se na internet stranici Općine Stari Grad Sarajevo.

Broj: 25/26
Datum: 16.03.2026. godine

